



Alþingi
Kirkjustræti
150 Reykjavík

Skagafjörður, 11. desember 2023
nr. erindis 2312016 SIS

Á 75. fundi byggðarráðs sveitarfélagsins Skagafjarðar þann 8. desember 2023 var tekið fyrir neðangreint erindi.

Umsagnarbeiðni; Tillaga til þingsályktunar um gjaldfrjálsar skólamáltíðir og umgjörð þeirra

Svofelld bókun var gerð:

Lagt fram til umsagnar frá velferðarnefnd Alþingis, 402. mál, gjaldfrjálsar skólamáltíðir og umgjörð þeirra. Umsagnarfrestur er til 11. desember 2023.

Byggðaráð tekur undir mikilvægi þess að öll börn fái holla og góða næringu í heilnæmu umhverfi þar sem horft verður til þess að stuðla að góðum og heilbrigðum matarvenjum. Byggðarráð áréttar einnig að nauðsynlegt er að öll börn fái jafnan aðgang að næringarríkum mat enda það hluti að jafnræði á milli barna og stuðlar að aukinni lýðheilsu.

Flest sveitarfélög hafa þann háttinn á að veita tekjuminni foreldrum stuðning með það að markmiði að öll börn fái aðgang að skólamáltíð óháð stöðu. Það að gera skólamáltíðir gjaldfrjálsar fyrir alla foreldra, óháð tekjum er mun stærra verkefni. Liggja þarf fyrir samstaða á milli ríkis og sveitarfélaga um hvernig verkefnið er unnið, hvaða þætti ber að horfa til og með hvaða hætti ríkið muni koma að fjármögnun verkefnisins til lengri tíma. Rétt er að benda á að oft hefur hallað verulega á sveitarfélögin fjárhagslega þegar ákvörðun um aukna þjónustu sveitarfélaga er bundin í lög. Fagnaðarefni er ef ríkisvaldið hyggst tryggja gjaldfrjálsar skólamáltíðir en ef tillagan gengur út á að annað stjórnsýslustig landsins sé enn og aftur að ganga á rétt hins með fyrirmælum um kostnaðarauka er því mótmælt.

Þessi afgreiðsla byggðarráðs tilkynnist hér með.

Virðingarfyllt,
f.h. byggðarráðs Skagafjarðar


Sigfus Ingj Sigfússon
Sveitarstjóri